



ჩეხეთის რესპუბლიკის კარიტასი
საქართველოში
&
ხულოს ადგილობრივი განვითარების ჯგუფი

პროექტი
„სოფლის განვითარებისა და დივერსიფიკაციის
ხელშეწყობა ხულოს მუნიციპალიტეტში“

სოფლის განვითარების მესამე საგრანტო კონკურსის სახელმძღვანელო¹

სრული საპროექტო წინადადებების კონკურსი

¹წინამდებარე პროცედურები ემყარება “ენპარდის” II (ENPARD II) პროექტის ფარგლებში სხვა განმახორციელებელი ორგანიზაციების მიერ შემუშავებულ მსგავს საგრანტო სახელმძღვანელოებს

პროექტის შესახებ

საერთაშორისო არასამთავრობო ორგანიზაცია ჩეხეთის რესპუბლიკის კარიტასი საქართველოში (CCRG) სოფლისა და სოფლის მეურნეობის განვითარების ევროპის სამეზობლო პროგრამის (ENPARD) ფარგლებში ხორვატიის სოფლის განვითარების ქსელთან (HMRR) და ქართულ არასამთავრობო ორგანიზაცია PMC კვლევით ცენტრთან (PMCRC) პარტნიორობით ახორციელებს პროექტს „სოფლის განვითარებისა და დივერსიფიკაციის ხელშეწყობა ხულოს მუნიციპალიტეტში“. პროექტის მიზანია ხულოს მუნიციპალიტეტში სოფლად დასაქმებისა და საცხოვრებელი პირობების გაუმჯობესება სოფლის ეკონომიკის დივერსიფიკაციის საშუალებით.

საგრანტო კონკურსი

პროექტის ფარგლებში, „ჩეხეთის რესპუბლიკის კარიტასმა საქართველოში“ გამოაცხადა 2020 წლისთვის სოფლის განვითარების რიგით მესამე საგრანტო კონკურსი.

სოფლის განვითარების მესამე საგრანტო კონკურსის მიზანია იმ პროექტების დაფინანსება, რომლებიც ითვალისწინებს ხულოს 2018-2022 წლების ადგილობრივი განვითარების სტრატეგიის პრიორიტეტებისა და საკვანძო ამოცანების შესრულებას და არსებული სოციალურ-ეკონომიკური პირობების გაუმჯობესებას ხულოს მუნიციპალიტეტში. ასევე, ხულოს მუნიციპალიტეტში covid-19-ის გავრცელების საწინააღმდეგო ღონისძიებების შესახებ ცნობიერების ამაღლების, პოპულარიზაციისა და მოწყვლადი ჯგუფების დახმარების მიმართულებით.

ხულოს ადგილობრივი განვითარების სტრატეგიით ექვსი პრიორიტეტული მიმართულებაა განსაზღვრული:

1. ტურიზმი სოფლად;
2. სოფლის მეურნეობა;
3. კომუნალური და სოციალური ინფრასტრუქტურა;
4. კულტურა, ჯანდაცვა, განათლება, სპორტი და ახალგაზრდობა;
5. არასასოფლო-სამეურნეო საქმიანობები;
6. გარემოს დაცვა და ბუნებრივი რესურსების მდგრადი მართვა.

პრიორიტეტი მიენიჭება პროექტებს, რომლებიც პასუხობს ხულოს ადგილობრივი განვითარების სტრატეგიის ამოცანებსა და სტრატეგიულ აქტივობებს (იხ. ხულოს ადგილობრივი განვითარების სტრატეგია 2018-2022, გვ. 5-6).



სოფლის განვითარების წინამდებარე საგრანტო კონკურსი ვრცელდება ხულოს მუნიციპალიტეტის მთლიან ადმინისტრაციულ ტერიტორიაზე. გრანტით დაფინანსდებიან მხოლოდ ის პროექტები, რომლებიც ასახავენ ხულოს ადგილობრივი განვითარების სტრატეგიით განსაზღვრულ პრიორიტეტებს. გრანტები ხელმისაწვდომია საჯარო, სამოქალაქო და ბიზნეს პროექტებისთვის.

გრანტი არ გაიცემა იმ ფიზიკურ და იურიდიულ პირებზე, რომლებმაც ENPARD ხულო სოფლის განვითარების კონკურსის ფარგლებში უკვე მიიღეს დაფინანსება ან გამოვლინდნენ გამარჯვებულად. შეზღუდვა ვრცელდება გრანტის მიმღების ოჯახის წევრებზეც.

საგრანტო დაფინანსების მისაღებად განსაზღვრულია მხოლოდ სრული საპროექტო წინადადებების კონკურსი.

ქვეყანაში გამოცხადებული საგანგებო მდგომარეობის გათვალისწინებით, საგრანტო კონკურსის შესახებ ინფორმაცია გავრცელდება მხოლოდ ინტერნეტით და მოკლე ტექსტური შეტყობინებებით.

ადგილობრივი განვითარების ჯგუფის პრიორიტეტების, მიზნების, ამოცანებისა და შესაძლო პროექტების/აქტივობების შესახებ დეტალური ინფორმაციისთვის, ასევე საგრანტო კონკურსის პირობებისა და დეტალებისათვის, გთხოვთ ეწვიოთ ხულოს ადგილობრივი განვითარების ჯგუფის ვებ-გვერდს (www.khulolag.ge), ისარგებლოთ ცხელი ხაზით:

551 13 55 25

557 68 62 49

577 79 11 88

574 52 13 13

555 25 49 25

ან გამოაგზავნოთ ელექტრონული წერილი მისამართზე: info.enpard.khulo@caritas.cz.

კონკურსის სრული საპროექტო წინადადებების წარდგენა

სრული საპროექტო წინადადებების კონკურსი დაიწყება - 2020 წლის 6 აპრილს.

სრული საპროექტო წინადადებების კონკურსში მონაწილეობის მიღება შეუძლიათ იურიდიულ და ფიზიკურ პირებს, რომლებსაც სურთ ბიზნესის დაწყება/გაფართოება ან პროექტის განხორციელება ხულოს მუნიციპალიტეტში.



კონკურსში მონაწილეობის მსურველმა აპლიკანტმა სრული საპროექტო წინადადება უნდა წარადგინოს ელექტრონულად, ქართულ ენაზე, და გააგზავნოს მისამართზე: info.enpard.khulo@caritas.cz.

აპლიკაციის ფორმის ჩამოტვირთვა შესაძლებელია ინტერნეტ გვერდიდან: www.khulolag.ge.

სრული საპროექტო წინადადების წარდგენის ბოლო ვადაა 2020 წლის 4 მაისი 17:30. ამ ვადის გასვლის შემდეგ წარმოდგენილი წინადადებები არ განიხილება.

საბოლოო შედეგები გამოქვეყნდება ხულოს ადგილობრივი განვითარების ჯგუფის ინტერნეტ გვერდზე (www.khulolag.ge). ასევე, ყველა აპლიკანტი ინფორმირებული იქნება მოკლე ტექსტური შეტყობინების საშუალებით.

გრანტის მოცულობა

სოფლის განვითარების მეორე საგრანტო კონკურსის მაქსიმალური თანხა თითოეულ პროექტზე:

პროექტი	კომერციული	არა-კომერციული (covid-19 _ ის გავრცელების საწინააღმდეგო პროექტი/ღონისძიებები)
მინიმალური მოთხოვნილი გრანტი (ევრო)	30000	1000
მაქსიმალური მოთხოვნილი გრანტი (ევრო)	60000	3000
თანადაფინანსების მინიმალური პროცენტული წილი პროექტის მთლიან ბიუჯეტთან მიმართებით	25%	0%

კონკურსის ზოგადი წესები

დაუშვებელი ხარჯები და პროექტები

ხარჯები, რომელთა მოთხოვნა არ არის შესაძლებელი გრანტის ფარგლებში და არ არის გათვალისწინებული განმცხადებლის თანადაფინანსებაში:

- სამშენებლო ხარჯები და მშენებლობა;
- სარემონტო ხარჯები და სამუშაოები;



- ბიზნესის საოპერაციო ხარჯების დაფარვა - ხელფასები/გადასახადები/საწვავი/ნედლეული და სხვა საოპერაციო ხარჯები;
- ნებისმიერი ხარჯები, რომლებსაც არ ახლავს ინვოისები/გადახდის დამადასტურებელი დოკუმენტი.
- ცოცხალი მასალის და ნერგების შეძენა;
- დამოუკიდებლად მოწვეული ექსპერტები და კონსულტანტები.
- B კატეგორიის ავტომობილის შეძენა.


ხარჯები, რომელთა მოთხოვნა არ არის შესაძლებელი გრანტის ფარგლებში, ხოლო შესაძლებელია შევიდეს განმცხადებლის თანადაფინანსებაში:

- მიწისა და შენობების შესყიდვა;
- საქონელი ან მომსახურება, რომელთა ღირებულებაც 1000 ლარზე ნაკლებია;
- მომსახურება/შრომის ანაზღაურება დადასტურებული სამემოსავლო გადასახადით/სასაქონლო ზედნადებით/გადახდის ქვითარით;
- ლიცენზიების, ნებართვების, კვლევების, სამშენებლო/საპროექტო დოკუმენტაციის გაცემასთან დაკავშირებული ხარჯები;

ზემოთ ჩამოთვლილი კრიტერიუმებიდან, რომელიმეს არ გათვალისწინებს შემთხვევაში სრული საპროექტო წინადადება ავტომატურად გამოეთიშება კონკურსს.

კომერციული პროექტებისთვის განმცხადებლის თანადაფინანსებად შეიძლება ჩაითვალოს სხვა საშუალებებიდან მიღებული ნებისმიერი ფინანსური რესურსი, გარდა დონორის მიერ განხორციელებული დაფინანსებისა.

სრული საპროექტო წინადადებების კონკურსი



ტექნიკური შემოწმება - ENPARD ხულო პროექტის გუნდი ამოწმებს სრული საპროექტო განაცხადების შესაბამისობას მთავარ კრიტერიუმებთან:

1. განაცხადის შინაარსი შეესაბამება კრიტერიუმებს.
2. მოთხოვნილი გრანტი თანხა შეესაბამება საგრანტო კონკურსის წესებს.
3. პროექტის ხანგრძლივობა არაუმეტეს 2 თვისა (ხელშეკრულების ხელმოწერის შემდეგ).
4. აპლიკაციის ბიუჯეტში არ არის გაწერილი საგრანტო სახელმძღვანელოს მიხედვით დაუშვებელი ხარჯები.
5. პროექტის ბიუჯეტი მოცემულია ევროში.
6. პროექტის სპეციფიკიდან გამომდინარე ყველა ველი შევსებულია მოთხოვნილი კრიტერიუმების შესაბამისად.
7. პროექტები, რომლებსაც ესაჭიროებათ ნებართვები და ლიცენზიები და არ აქვთ სრულ საპროექტო განაცხადთან ერთად წარმოდგენილი.

დისტანციური ტექნიკური შემოწმება (მონიტორინგი) - პროექტის საგრანტო მონიტორინგის ასისტენტი დისტანციურად შეაფასებს სრული პროექტების განხორციელების ადგილს და არსებული რესურსების შესაბამისობას განაცხადში აღწერილთან. გარემოს ან რესურსების შეუსაბამობის შემთხვევაში, მონიტორინგის თანამშრომელი დაბლოკავს პროექტს.

გარე ექსპერტები - სრული განაცხადები გაეგზავნებათ გარე ექსპერტებს, რომლებიც შეაფასებენ პროექტებს, მიაწიჭებენ ქულას და დაუწერენ კომენტარებს კრიტერიუმების მიხედვით.

გარე ექსპერტების მიერ მინიჭებული ქულების მიხედვით შედგენის სიას დაამტკიცებს ENPARD ხულო პროექტის ტექნიკური ჯგუფი ხულოს LAG-თან კონსულტაციებით.

თანაბარი ქულების დაგროვების შემთხვევაში უპირატესობა მიენიჭებათ პროექტებს შემდეგი თანმიმდევრობით: 1. განმცხადებელი შშმ პირია; 2. განმცხადებელი ქალბატონია; 3. განმცხადებელი ახალგაზრდაა (30 წელზე ნაკლებისა); 4. განმცხადებელი რეგისტრირებული კოოპერატივია (აქტიური სტატუსით).

ყველა სხვა დანარჩენი შემთხვევა, რომელიც არ შეესაბამება ზემოთ აღწერილ შემთხვევებს განხილული იქნება ENPARD ხულო პროექტის გუნდისა და ხულოს LAG-ის მმართველი ჯგუფის მიერ.

შეტყობინება აპლიკანტისთვის გადაწყვეტილების შესახებ

წარმატებული პროექტის განმცხადებლებს კონკურსის ყველა ეტაპზე გაეგზავნებათ შეტყობინება ტელეფონის/ელექტრონული ფოსტის საშუალებით შემდგომი პროცედურების შესახებ. დამტკიცებული სრული პროექტების სიაც ასევე, ხელმისაწვდომი იქნება ელექტრონულად ხულოს ადგილობრივი განვითარების ჯგუფის ვებ-გვერდზე www.khulolag.ge.

აპლიკანტებმა, რომლებმაც სრული საპროექტო წინადადებების ეტაპზე, ვერ დააგროვეს ძირითად ჯგუფში მოსახვედრად საკმარისი ქულა, შეუძლიათ გამოცხადდნენ ორგანიზაციის „ჩეხეთის რესპუბლიკის კარიტასი საქართველოში“ ხულოს ოფისში განაცხადის ქულის შესახებ წერილობითი განმარტების მისაღებად (განცხადების მიღებიდან 1 კვირის ვადაში). თუ განმცხადებელთან დაკავშირება ტელეფონის საშუალებით ვერ მოხერხდა და პროექტის გუნდს შეეძენა მასთან დაკავშირების პრობლემა, ამ შემთხვევაში მხოლოდ განმცხადებელს ეკისრება პასუხისმგებლობა და 15 დღის ვადაში შეუძლია გამოცხადდეს პროექტის ოფისში.